



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Annvs Diervm Memorabilivm Societatis Iesv. Sive  
Commentarius quotidianae virtutis, notabilem vnius, vel  
plurium in Societate vitâ functorum, virtute quapiam  
insignium memoriam in menses diesque ...**

**Nádasi, János**

**Antverpiae, 1665**

VI. Die Septembris.

**urn:nbn:de:hbz:466:1-9625**

## VI. DIE SEPTEMBRIS.

P. M A R C V S  
SALINAS.

6. Septemb.  
Hispanus  
Placentiæ.  
1557.

**H**Vne intra septem dies ruri abstulit laterum dolor, morte Placentinis tristi, sed adolescentis cuiusdam saluti admodum fructuosâ: Aderat is Marco diuinum viaticum accipienti pro itineribus æternitatis: Cum æger defixo in illum vultu sollicito caput ita tunc agitabat, vt illo ipso silentio, & capitis motu adolescentem acriter monere videretur ad mores corrigendos. Aduertere id ij qui aderant: sed præ aliis adolescens ille illo capitis nutu ita est percussus, vt à moriente Marco religiosè viuere didicerit, breui se ad eam S. Francisci quæ Discalceatorum dicitur transferens disciplinam.

Mors.

P. N I C O L A V S  
GRACIDA.

Lustanus  
Eboræ: 6.  
Sept. 1598,  
æt. 60.  
Soc. 44.

Concioner.

Silentium.

**H**Vne paruulum Societati adiunctum, iucundo omnium auribus dicendi lepore pollentem audire certatim gestiebant etiam externi quàm plurimi. Et cum tener esset; necdum socius, vt alij, sed *socialus* dicebatur. Extremis 27. annis aulâ, & Academiâ post habitis, non cessabat quidem à concione sed se in solitudinem planè abdiderat egregiâ magni exempli constantiâ. Nec inuisi ab extratio vllò volebat nec vllum inuisere; nihil dare literarum, nihil accipere: Cubiculum omni omninò ex parte pauper vt esset curabat: in quo suâ se quiete inuoluens, vacabat Deo, & concionibus

componendis; ægros tamen blandè recreans cum illos nonnunquam inuiseret. Nunquam auditus est vllò verbo offendisse, quo quispiam vel minimè læderetur: perfectus profectò vir S. Iacobi sententiâ.

P. P A V L V S  
IOSEPH ARRIAGA.

**I**ngenio ad omnia nato, virginitate ab vsque baptismo feliciter conseruatâ, Spiritu, & laboribus Apostolicis apud Indos clarus. Deiparæ matris beneficio, & vt aiunt, etiam hortatu, Societatem ingressus, illam ac Angelum Custodem & coluit accuratè & opem vtriusque luculentam ac familiarem expertus est. Honori Crucifixi, & B. Virginis à feriæ sextæ prandio vsque ad Dominici diei meridiè nihil in cibum admittebat. Inter orandum à terra sublimis conspectus est. Huc illum orationis prouexit profunda humilitas, & immitis in carnem sauities, quâ quorhebdomadis tres quatuorûe dies inedia dedicabat nullo cibi vllius bolo admisso, somnum non nisi vestitus ad lignum vel in assero carpebat. Aiunt secreta etiam pectorum mirabili perspicacitate introspexisse, ac mira quædam cælestia illum, adeoque mortem suam, longè ante nunciassè. Obiit in naufragio flexis genibus in amplexu Crucifixi, morte quam ipse particulatim ita vt euenit ante præiuderat. Plura in eius vita,

Hispanus  
in Mari, 6.  
Sept. 1611.  
æt. 60.  
Soc. 45.

B. V.

Fer. 17.  
Ieiunium  
Sabbat.

Oratio

Mors.

Mors.

P. THO



P. THOMAS

TRVGI.

Iapen. Nā-  
gasachi. 6.  
Sept. 16. 7.  
ætat. 56.  
Soc. 38.

Fides.

Oratio

Mort.

Ignis p[ro]p[ri]o-  
ru.

CVM pro re Orthodoxa præclare Caput suos Iapones satageret gratâ dicendi affluentia vt disertus ita impiger; ab ipso diuino sacrificio peracto in custodiam detrusus, multifariam à suis quâ blandè quâ seuerè tentatus, effusâ quanta maximâ poterat felicitis facundia copiâ, se pro Christo ignibus deuouebat. Cum duobus suis comitibus ad rogam damnatus, post præclaros sudores genti suæ per annorum 34. spatium laudatè impensos, in medio flammarum de Christi patientis tormentis, ac de fide Christi magno verborum pondere perorauit. Mox voce in cantum flexâ; *laudate Dominum, omnes gentes*; cantauit: & inter canendum extinctus est. Illud admirabile, ac Iaponibus & Lusitanis testibus luculentis (qui ipsi adfuere, ac rem accuratè oculis lustrauere) exploratum est; pectus mortui P. Thomæ vtrò apertum dissiisse; & ex illo visam egredi rubram flammam, quæ sursum in cælum sublimis volatu igneo splendens abierit, eorumque qui hæc spectauere Christianorum corda mirum in modum accenderit.

IOANNES

LAPARVS.

Italus Dre-  
pani. 6.  
Sept. 1630.  
ætat. 107.  
Soc. 59.

Gradus.

Hic admirabilem in laboribus assiduitatem cum perpetua in cibo potuque quâ parcissimè sumendo parsimonia ita coniunxit, vt semper & minimum comederit ac biberit, & plurimum laboraret; continuato labore vsque ad annum ætatis centesimum septimum; cuius extremo semestri æger decubuit, qui nunquam

aliàs à labore, nisi tunc coactus, quieuerat, mirabile Coadiutorum exemplum.

P. PAVLVS  
CITVS.

OB acerrimum quo flagrabat studium animarum vestitus ferè capiebat somnum; vt expeditus reperiretur, primusque ac promptus notu ad ægrorum solatium prouolarer, si quis accerferet. Nouendialia ante natalem Christi diem sacra in templo nostro instituit; in quibus ad conferendam populi concionem breuiter, sed acriter dicitur sub aurora, fructu magno teneræ ac solidæ pietatis & frequenti exomolegesi multorum. virorum fide dignissimorum relatione compertum esse aiunt annuæ, illi cum aliquando post sacrum in S. Dominici à Soriano (quò Neapoli pietati ergo excurrerat) gratias de more ageret, præuisum sui obitus diem: vnde illi læta lachrymæ, quas dissimulare non poterat, affluentè coortæ sunt.

Italus Nea-  
poli. 6. Sept.  
1649.

Charitas.  
Nouendium  
Christi.

Charitas.  
Cogitationes.

Sacrum.

Mort.

FRIDERICVS  
SIMON COAD.

Virginea in eo verecundia oculorum custos, totum illum ad leges suauissimæ cuiusdam modestiæ componebat: pietas tenera, obedientia reuerentiæ plena, doctesque aliæ magna de illo promittebant. Aiunt illum aliquando cum Patrum quopiam ad phreneticum visendum egressum, recitatâ pro illo Deiparæ coronâ, eum ab incondito clamore tranquillasse; adiectâ alterâ, ei linguæ vsu impetrasse; tertiâ demum coronâ illum valetudini pristinae reddidisse. id quod ego propensæ ad suos audiendos Del liberalitati tribuendum duco.

Bohemus  
Hradistij.  
6. Sep. 1657.

Oratio  
B. V.

Charitas.

TT a IOAN-